

"Жалпы мемлекеттік статистикалық байқауларды және ұлттық санақтарды жүргізу кезінде адамдарды интервьюер ретінде тарту және олардың жұмысын ұйымдастыру қағидаларын бекіту туралы" Қазақстан Республикасы Стратегиялық жоспарлау және реформалар агенттігінің Ұлттық статистика бюросы басшысының 2024 жылғы 16 қыркүйектегі № 27 бұйрығына өзгерістер енгізу туралы

Қазақстан Республикасының Стратегиялық жоспарлау және реформалар агенттігі Ұлттық статистика бюросы Басшысының 2026 жылғы 28 сәуірдегі № 9 бұйрығы. Қазақстан Республикасының Әділет министрлігінде 2026 жылғы 29 сәуірде № 38577 болып тіркелді

БҰЙЫРАМЫН:

1. "Жалпы мемлекеттік статистикалық байқауларды және ұлттық санақтарды жүргізу кезінде адамдарды интервьюер ретінде тарту және олардың жұмысын ұйымдастыру қағидаларын бекіту туралы" Қазақстан Республикасы Стратегиялық жоспарлау және реформалар агенттігінің Ұлттық статистика бюросы басшысының 2024 жылғы 16 қыркүйектегі № 27 бұйрығына (Нормативтік құқықтық актілерді мемлекеттік тіркеу тізілімінде № 35090 болып тіркелген) мынадай өзгерістер енгізілсін:

көрсетілген бұйрықпен бекітілген Жалпы мемлекеттік статистикалық байқауларды және ұлттық санақтарды жүргізу кезінде адамдарды интервьюерлер ретінде тарту және олардың жұмысын ұйымдастыру қағидаларында:

7-тармақтың 3) тармақшасы алып тасталсын;

9-тармақта:

5) тармақша мынадай редакцияда жазылсын:

"5) Бюроның аумақтық бөлімшесінің байқау жүргізу кезінде интервьюердің жұмысына бақылауды жүзеге асыратын жауапты қызметкері (бұдан әрі - Бюроның аумақтық бөлімшесінің жауапты қызметкері) дайындаған тізімге сәйкес респонденттің және (немесе) үй шаруашылығының мекенжайларын сәйкестендіру (анықтау);";

14) тармақша мынадай редакцияда жазылсын:

"14) қателер анықталған жағдайда, респонденттерге және (немесе) үй шаруашылықтарына қажетті деректерді нақтылау үшін қосымша бару және бару нәтижелері туралы Бюроның аумақтық бөлімшесінің жауапты қызметкеріне хабарлау;" ;

10 және 11-тармақтар мынадай редакцияда жазылсын:

"10. Интервьюердің жұмысының сапасын бақылауды және тексеруді Бюроның аумақтық бөлімшесінің жауапты қызметкері және (немесе) ұлттық санақтарға дайындық және оны жүргізу жөніндегі нұсқаушы іріктеп қоңырау шалу жолымен және

(немесе) респонденттерді және (немесе) үй шаруашылықтарын аралау арқылы жүзеге асырады.

Бюроның аумақтық бөлімшесінің бір жауапты қызметкері және (немесе) ұлттық санақтарға дайындық және оны жүргізу жөніндегі нұсқаушы алтыдан артық емес интервьюердің жұмысын қадағалайды.

11. Интервьюер қызметіне жүргізілген байқау қорытындылары бойынша есеп ресімделеді, ол интервьюердің жұмысына ақы төлеу кезінде есепке алынады.

Интервьюердің жұмысын тексеру нәтижелері туралы есепті жасау осы Қағидаларға 4-қосымшада келтірілген нысан бойынша жүзеге асырылады. Тұрмыс деңгейі статистикасы бойынша интервьюердің жұмысының сапасын бақылау барлық зерттелетін үй шаруашылықтардың 50% көлемінде жыл бойы жүргізіледі.";

15-тармақ мынадай редакцияда жазылсын:

"15. Интервьюерлер толтырған статистикалық нысандар байқауды ұйымдастыратын Бюроның аумақтық бөлімшесінің жауапты қызметкерлеріне беріледі.";

22-тармақ мынадай редакцияда жазылсын:

"22. Интервьюерге респонденттердің және (немесе) үй шаруашылықтарының тізімін Бюроның аумақтық бөлімшесінің жауапты қызметкері береді.";

30-тармақ мынадай редакцияда жазылсын:

"30. Бюроның аумақтық бөлімшесінің жауапты қызметкері іріктеп алынған респонденттердің және (немесе) үй шаруашылықтарының мекенжайларын интервьюерге береді. Іріктеп алынған мекенжай бойынша тұратын респонденттер және (немесе) үй шаруашылықтары, соның ішінде тұрып жатқан тұрғын үйдің меншік иесі еместер байқауға жатады.";

40-тармақ мынадай редакцияда жазылсын:

"40. Іріктеп алынған мекенжайда үй шаруашылығының мүшелері болмаған жағдайда, интервьюер осы мекенжайға қосымша бірнеше рет (кемінде екі рет) барады. Егер қосымша барғаннан кейін үй шаруашылығының мүшелері болмаса, онда интервьюер бұл туралы Бюроның аумақтық бөлімшесінің жауапты қызметкеріне үй шаруашылығын резервтік тізімнен ауыстыру қажеттілігі туралы шешім қабылдау үшін хабарлайды.";

43-тармақ мынадай редакцияда жазылсын:

"43. Іріктемелі байқау сауалнамаларында өрескел қателер анықталған жағдайда, интервьюер қажетті деректерді нақтылау үшін үй шаруашылығына қосымша барады және Бюроның аумақтық бөлімшесінің жауапты қызметкеріне бару нәтижелері туралы хабарлайды.";

57-тармақ мынадай редакцияда жазылсын:

"57. Іріктемелі байқау сауалнамаларында қателер анықталған жағдайда интервьюер қажетті деректерді нақтылау үшін респондентке және (немесе) үй шаруашылығына

қосымша барады және Бюроның аумақтық бөлімшесінің жауапты қызметкеріне бару нәтижелері туралы хабарлайды.";

осы Қағидаларға 4-қосымша осы бұйрыққа 1-қосымшаға сәйкес жаңа редакцияда жазылсын;

осы Қағидаларға 5-қосымша осы бұйрыққа 2-қосымшаға сәйкес жаңа редакцияда жазылсын;

осы Қағидаларға 6-қосымша осы бұйрыққа 3-қосымшаға сәйкес жаңа редакцияда жазылсын.

2. Қазақстан Республикасы Стратегиялық жоспарлау және реформалар агенттігі Ұлттық статистика бюросының Стратегиялық жоспарлау және әдіснамалық үйлестіру департаменті Заң департаментімен бірлесіп заңнамада белгіленген тәртіппен:

1) осы бұйрықты Қазақстан Республикасы Әділет министрлігінде мемлекеттік тіркеуді;

2) осы бұйрық ресми жарияланғаннан кейін оны Қазақстан Республикасы Стратегиялық жоспарлау және реформалар агенттігі Ұлттық статистика бюросының интернет-ресурсында орналастыруды қамтамасыз етсін.

3. Стратегиялық жоспарлау және әдіснамалық үйлестіру департаменті осы бұйрықты Қазақстан Республикасының Стратегиялық жоспарлау және реформалар агенттігі Ұлттық статистика бюросының құрылымдық және аумақтық бөлімшелеріне жұмыс бабында басшылыққа алу және пайдалану үшін жеткізсін.

4. Осы бұйрықтың орындалуын бақылау Қазақстан Республикасы Стратегиялық жоспарлау және реформалар агенттігінің Ұлттық статистика бюросы басшысының жетекшілік ететін орынбасарына жүктелсін.

5. Осы бұйрық алғашқы ресми жарияланған күнінен кейін күнтізбелік он күн өткен соң қолданысқа енгізіледі.

*Қазақстан Республикасы
Стратегиялық жоспарлау және
реформалар агенттігінің
Ұлттық статистика бюросының басшысы*

М. Турлубаев

Қазақстан Республикасы
Стратегиялық жоспарлау
және реформалар агенттігінің
Ұлттық статистика бюросының
басшысы
2026 жылғы 28 сәуірдегі
№ 9 бұйрығына 1-қосымша
Жалпымемлекеттік статистикалық
байқауларды
және ұлттық санақтарды жүргізу
кезінде адамдарды
интервьюерлер ретінде тарту
және олардың жұмысын
ұйымдастыру қағидаларына
4-қосымша

Жалпы мемлекеттік статистикалық байқауларды жүргізу бойынша интервьюер жұмысын тексеру нәтижелері туралы есеп _____

Мен, _____ (Т.А.Ә. (бар болған жағдайда), лауазымы),
интервьюер _____ (интервьюердің Т.А.Ә.
(бар болған жағдайда), жеке куәліктің № ____) _____ бастап _____ аралығында
статистикалық байқаулар жүргізу бойынша _____ жұмысын
тексеруді өткіздім.

Тексеру мынадай мәселелер бойынша өткізілді:

- 1) респонденттерге және (немесе) үй шаруашылықтарына белгіленген мерзімдерде барады ма;
- 2) байқау нұсқаулыққа, түсіндірмеге сәйкес жүргізіледі ме;
- 3) статистикалық нысандарды толтыру техникасы бойынша нұсқаулар сақталады ма ;
- 4) статистикалық нысанға енгізілген мәліметтердің анықтығы және толықтығы.

Тексеру нәтижелері:

1. Респонденттерге және (немесе) үй шаруашылықтарына бару белгіленген мерзімде жүзеге асырылады/жүзеге асырылмайды (қажеттісінің астын сызу).
2. Байқау нұсқаулыққа, түсіндірмеге сәйкес/сәйкес емес (қажеттісінің астын сызу) жүргізіледі.
3. Статистикалық нысандарды толтыру кезінде толтыру техникасы бойынша нұсқаулар сақталады/сақталмайды (қажеттісінің астын сызу).
4. Статистикалық нысанға енгізілген мәліметтердің анықтығы және толықтығы расталды/ расталмады (қажеттісінің астын сызу).

Тексеру нәтижелері және ағымдағы жұмыс бойынша ұсынымдар

1. _____
2. _____
3. _____
4. _____

Бюроның аумақтық бөлімшесінің жауапты қызметкері

_____ Т.А.Ә. (бар болған жағдайда), қолы

Интервьюер танысты _____ Т.А.Ә. (бар болған жағдайда), қолы.

Қазақстан Республикасы
Стратегиялық жоспарлау
және реформалар агенттігінің
Ұлттық статистика бюросының
басшысы
2026 жылғы 28 сәуірдегі
№ 9 бұйрығына 2-қосымша
Жалпы мемлекеттік статистикалық

Нысан

5 бестік – ай _____ Үй шаруашылықтарының № _____

Бюроның аумақтық бөлімшесінің жауапты қызметкері _____

Т.А.Ж. (бар болған жағдайда), қолы

Интервьюер танысты

Т.А.Ж. (бар болған жағдайда), қолы

Ескерту:

* қажет болған жағдайда байқаулардың (нысандардың) қажетті саны үшін жолдар қайталанады.

Қазақстан Республикасы
Стратегиялық жоспарлау
және реформалар агенттігінің
Ұлттық статистика бюросының
басшысы
2026 жылғы 28 сәуірдегі
№ 9 бұйрығына 3-қосымша
Жалпы мемлекеттік статистикалық
байқауларды
және ұлттық санақтарды жүргізу
кезінде адамдарды
интервьюерлер ретінде тарту
және олардың жұмысын
ұйымдастыру қағидаларына
6-қосымша
Нысан

Халықтың тұрмыс деңгейін статистикалық зерттеу бойынша алдын ала аралау жүргізу туралы есеп бланкісі 202 жылғы қараша-желтоқсан айы

№	Үй шаруашылығының № (пәтер коды)	Үй шаруашылығы-ның мекенжайы	Үй шаруашылығына барған және сауал алу күні	Аралау және сауал алу нәтижесі*
---	--	------------------------------------	--	------------------------------------

Интервьюердің Т.А.Ә. (бар болған жағдайда),
ҚОЛЫ

Бюроның аумақтық бөлімшесінің жауапты қызметкері Т.А.Ә. (бар болған жағдайда)

ҚОЛЫ _____

Ескертпе:

* "Аралау және сауал салу нәтижелері" бағанын толтыру жөніндегі нұсқаулық: мынадай кодтар қойылады:

"1"- келісті;

Бас тартқан жағдайда мынадай кодтар қойылады:

"2" - үзілді-кесілді бас тарту (сенімсіз);

- "3" - денсаулығына байланысты бас тарту;
- "4" - уақыттың жетіспеушілігіне байланысты бас тарту;
- "5" - көшу жоспарлануда;
- "6" - әлеуметтік төлемдер алуына байланысты;
- "7" - мемлекеттік қызметшілер;
- "8" - тұрғын емес;
- "9" - мекенжай табылмады;
- "10" - есік ашпады.